

Xapa
KITÁ KE PAI MITI?ITITIRE MAYEMIE

5

XAPA ?AUXIWIRIEKA MIEME 5.
KITÁ KE MITI?ITITIRE



XAPA ʔAUXIWIRIEKA MIEME 5. KITÁ KE MĪTIʔITĪTĪRE

TITA MĪRAYEMIE

- I. Titayari mireunake
- II. Kita ke mitiʔitĪtĪre
- III. XakirĪte ke pai mitihauxinariwa
- IV. Xaátsi
- V. Kí ʔaixi kuyuruwati

I. TITAYARI MIREUNAKE

Kitá ?uye?itíyakaku ?ayekaiti ?aixi kaniumayáreni metá kiekátaari memikatekukuuyeniki.

Tiniriya, xaátsi, ?ikwai mitiyukuhayeikawa metá tewamá miiki tepitsi, ?atetsi, hatsixi, xaipitsi, naikatsi mekateniwa?iniwaweni. miiki yu?ikátetsie waikawa ?etsi metepepeme mekateniwareu?inítikani (microbiostsiixi metá parásitostsiixi) kwiniya memitewiwie. Heiwa mitikwaiwa mekateniwirieka, xika ri mipai ti?áneneme tiutikwaní hakwitsiya katinakuwiyamiki méxikatini hipáti kwiniya.

?Ayumieme **kitá naiti kaniuye?itíyakamiki**, yeme matsi keewa mitikwaiwa mireyepiine metá keewa mireti?itsaaritatre.

?Eena ?i ya pai tekanitixatakuni ke pai miti?itítire yunaiti kiekátaari meteparewieti, tsi xeikía ?ukári mekapiteyuríeka. Yunaiti meyuparewíeti tita miraneníere ?aixi mekateniuyeyuruwakuni kitá.

Mayiitarika miraniere kiepa yunaime wahetsié katinimietini kiekátaari maretsiixi. Tiiri naime mekatenyu?ikitaikakuni.

II. Kitá ?uye?itiwati

?Eéki ke peretiuruwa ?akitá ?aixi mitiuye?anéniki.

Xika ?uye?itíwani, tiuyehauxinani, tiuyekatseni mipai hatsiíxi mekapixuawéni, tsintsitsiixi metá tepítsi.

Yumarima mitikwaiwa metá xakiríte ranukaname pemuye?itífenitsie ya tini pemitiuyekatsétsie kutsinata. Pepikaratitimaiyáni tuukátsi wawiniyari / wawitsari ke newaku?iti kimu?utsita ya tini tekítsié miikitsie tumuanari kaniweriwani.

Mexatsie pemirapiine pemitika?itsaaritatsie miiki kanihauxinariwani xapuniki **méripaiti tsiere tiutahayewame**. Naime mitiyuhayewa katinanaka?itíemiki miiki mete?ikwéti xaipítsi, hatsiíxi ?aikíxi kwini mekatenyinani.

?liki nemitiwarutiteriwáxi yuketátetsie microbiostsiixi mekaniwareuyatsátikani ?ikwai mitiyuyuri ya tini miti?eetsárietika mekateniwirieka kwiniya mewiwíeti **tifoidea titewakame** mekaniyiaka. ?liki kwiniya hakwitsi kaninetíaweni, hayari, hiiyá heiwa ri matsi kanemimiki.

Tenutsaríte, nanaiyame ya tini estufate tiutahayewame ?aixi katini?itíwani naiti maana xaipítsi, microbiostsiixi me ?uwireki.

ʔUtatsíe ranakaʔitiwati kwie metá tumuanari. ʔkarite metá sábanate kaniʔekwariwani chinchetsiixi méxikatini matetsi meʔutixuawérekí. Xika ri metexuawéni, ʔikarite katiniutiʔekwamiki, haxikariki ʔutatsíe katiniwakaʔiiyámiki.

Tsiere katineunakeni ʔikarite xika tiutiʔixa haikatukaariki ʔanukáyeikakaku. Mipai mekatenikakiníkuni.

III. Kutsina mitiyepine ke mīthauxinariwa

Tita mitiyukumaiwa mukaʔitsaaritatsie metá mitiukwanítsie mīiki naiti ʔaixi katinihauxinariwani. Xika xakírʔte, xaaríte ʔikwai mitiyukuhayeikawa katiwetíkani, microbiostsiixi maana mekapititsiiné metá mekapiwakiné meteʔikwéti.

Ke paukwa ri pemititahayewa katiniutihauximiki ha katinímeki xapuniki.

Ke ta ri tiuyurieni xika ʔaana ha ʔumaweni.

Xika ha ʔumaweni tihauxiname, katiniutiʔitímeki xaipítsi memikaxuawéniki. Ke pauka ke ta ri ha muxuawéni katiniutihauximiki xapuniki.

Xakírʔte xaaríte tihauxinietikaime katiniʔuutsíwani cajatetsie, kaxitunitetsie ranukanatikaime. Mipai kapititumuanare, xaipítsi naikátsi mekapiteʔitiwirieni. Xika titatsie pemitikapiiní pekarexeiyani heyekia perapiiká ʔitihauxime meri xika tikumayiamiki.

Tiírí tiwapiini matsi ʔaixi yeme katinihauxinariwani. Xika ʔikwai hawai rawere méxikatini xapuni heukuwetíkani mīiki huriepana katinitakwinitaweni.

Pemitiminitsie, watsuteya xakírʔteya ʔaixi reukuhauxinetikaimetsie.

IV. Xaátsi

Xika xaátsi ʔakitá, ʔataakwá kuraruta peʔitíyetsani muuwa naikátsi mekaniyuʔawiwietáni, hatsíixi mekaninunuiwáni metá xaipítsi maana mekaniyaxikeni. ʔliki nemitiharutiteriwáxi kwiniya mekaníwiewieka huriepakwiniya.

Hauʔerieti xaátsi pepikakuwiwienéni. Hawaii xeikía kenetíyetsaani tiírí memikawataʔaxetsie metá tewaáxi memikateʔuʔuuwatsie. **ʔAkiʔutaia pepikaheikawiwíwáni, ha muyemaneta, ya tini kiruʔá.**

Ke ʔitiriwa xaátsi

ʔIpaɪ xika tiuyurieni kaniyiwéni:

- ʔIkwai mɪtiyukuhaiyeikawa, xawarite kararaáte, hatsiyarite, tawarí kararayari, kaniyiwéni kimana kwie ʔaixi pemuyurieni.
- ʔIpaɪ mitiʔánene kaniyuteukiniaka. Kaniwatiʔinímiki xeimetroyari heukateewáme metá kiwarie ʔeteewa ʔaki ʔauríe hawaiki. Kanenukateukumiki kwieki xaátsi ri petahiniyáme.

ʔAUXIWIME KEYARI ʔAYETEEWÍME XEIMETROYARI RI REUKATEEWÁNI

Muuwa ya katineukáwiwamiki mɪtiyukuhayeikawa nairu kanikame, putite katinikame, pilate kaʔanuheime metá ʔeimerite.

Xaátsi mititaiwáwe ta tsi ri xápa, kaxituni, ʔixurikite miikiki xika ʔanutaʔirfeni kaniyiwéni.

- Plástikute wiyá mirayexiriwe metá nairute kapititaiyaríwa, tsi ʔeeká kaniwirieka. Plástikute metá puti miiki ta xaítsie katinikuxexeiríwamiki. Miiki xika ʔituáni kaniyiwéni ya tini tixaiti xika rayeitiani.

V. Tewaáxi ke memiteʔiwiyaríwa

Xika waakanari, tuixúri, ʔarúxi méxikatini muxátsi petiwatewaní, kuraruta katiniwayenakamiki ʔaixi tiuyeʔanémeta. Mɪpai hauʔeréeti taakwa mekapuʔuuwáni, tiniríya meyuwiriéti yuʔikátesie metá yutsuritsie. Xaátsitsaata parásitostsiixi mekaninunuiwáni kwiniya memiwíwíe. Miiki tsiere teitéri kwiniya mekaniwatuiréweni.

Tsiikíri metá mitsúri mekanitseiwani xáwiya memikahexeyatikaniki. Miiki xáwiya teitéri wahetsie kaniwieriwani, xika kwiti kayutaʔaita kanemimiki paiti.

Tsiere tsiikíri mekaniʔiiyaríwani heiwaka. Mɪpai mekapitepitsétikani.

Neuxei tsiikíri, mitsúri, tuixúri, waakanari kitá memeutáhakeni pepikawapitiaka. Mepeukwiemátika mepatakwiemátika kimana mepitewirie, haaríte kutsina timieme metá mitikwaiwa. Petitaʔiwiyati tsiikíri tiirí mepikawatátsenani. Tsiere ʔutatsie mepikaheutimakeni tepítsi metá chinchetsiixi maana mewarukaxirieniki.

Kuraruta ya pituiyeʔitiwani. ʔAtewamá wakwítá peʔanukateukuti kwieki xaipítsi memikaxuwéniki metá naikátsi.

VI. KÍ ?aixi kuyuruwati

Yukí xika ?aixi kuyuruwani ?aixi katiniuye?anémiki, ya tiye?itiwati mipai mekapitekwiwiniwawe kiekátaari.

?Ipai ?i katini?anéni:

- Waku?ixumawati tekitsíe. Mipai mukatsiinítikatsie kanikunarimíkeni muuwa memiteheu?uuwa memikateyu?awietániki, hatsííxi ya tini chinchetsiixi.

Xika haxu tekiyaritini naitisata kaniwa?ixumaxiamiki haxu xiekari naxí hanutinikáme ?aixi tihawiyárikame.

Xika naakari hayariki haxu ?uhawiyá ?aixi kaniuyineni mikakáhauweniki tsepá mukawiiyéxi mitiukuhawiríxi. Naakari hayari pemikawewíeniki, naakari ?utixiteme tambota kanikaxiriemiki ha ta ri ranuhiniyá; xeitsemána yuriekaku kanenuyekaatsímiki. Naxí kanikániitiamiki ?ariké ke ta ri xiekari ranutíwiwieni.

- Tsiere muyeweeritsie katiniuye?ixumamiki. Xeikía ri tita mitiuyine mireutuiya kwinié katinaye?atikaní.

Kamí tsi ke pai ti?ane kwinié mikaranayeneikániki

Xika yuwaiká yuparewíetikaiti kiekátaari mipai te?uyuriexáni kaniyiwéni. Tita mitixuawe ?urawa xika te?utixataxiani kaniyiwéni maana ta ri yunaiti yuparewíetikaiti te?uta?uximayátaxiani ?aixi kani?anéni.

- Kí ventana hexeyatikaiti ?aixi kaniuyinéni muye?eekániki. Mipai, kitsi xeimieme kaniuyé?ekemiki, kapiyekitsímíneni mipai kapiretakwine yuhixita ya tini yu?iwemetá. Tsiere, mipai waikawa kaniuyeheekíakamiki kitá.
- Xaipítsi memika?anuyekema heuwitífaxiame ventanate metá kitenie memikaheutáhakeniki.
- Xika ?ukatsiinítikani kimu?utsita ?uka?ixumawati naikátsi muuwa meytikitífaniki metá tuukátsi.
- Xeimetá xeikía mitikwaiwa katiniyepiikámiki. Xaitsíe ta mitiuyehipitíre.
- Na?iiyaritsie tepía ?uxawame kaneutákemiki kitsi manuye?ekeniki xeimieme. Ya ri pikatixuawe tsikere ventana ?aurie katininaitsítireni.

Xika ti makayaxike pehexeyani, kwiepa pepikaraku?itsaaritani. Tíiri maana meheuxirieniki me?utitaníki.

Kiyé kwinié mikatixitiakaki yukitá termo xika ?utawewieni kaniyiwéni. Kaxituni

ʔetsuití kaniuyineni, tsikiiwiti ri, kaniwakuʔeimamiki taitana xamá ʔixá ʔetsuikameki.
ʔEʔanukuyeume mériki tsi xaari ʔeneti ʔanutiʔitúpiriti tininakekamiki. Tsiere námirieya
kaniutawewiemiki hepaina xamáki ʔeimeme.

ʔliki termo

kanitixiriyametini. ʔAniari katinikwaxiyáni tsepá taipa mikatiuyeka. Tikwanáme peranahaname,
maana ta ri termotsie pekanikáyemiki, maana yekaiti yikimana kanikwamiki, tai
kapeuyewetsé.

- Yeuta heyekia pikatikwitsitire ya tini hatetsita hawaiki. Pita kaniwatiʔinímiki letrina
kaniutawewiemiki. Mipai kwiniya waiká kapixuawéni.

ʔAxa mikaʔiakariwíekaki kiepa teewa kaniwewíwani 20 metro heteewákaku, teewa
hatetsita méxikatini miratihanítire waiki.

Ke pauka pemeukakwitáni kwie kananuwiwíwamiki ya tini naxí, tixaitiki renukanarimáti.
Mipai ʔaxa kapiʔiaka metá xaipítsi mekanítayeixiakuni.

Muuwa tsiere letrina ta wakuʔitiwati metá manuyename ʔutahauxinati. Tiirí tiwaraʔikitiwati
muuwa memikaxaatsiwiekaki.

Xika ʔaxaitá pekaʔikemaka letrina pemitawewéni keniwarutaʔini yuwaikawa ʔaʔiwaáma
ke xemiteʔiʔaxéni.

Ta tsi ri heiwati mitineuxuawe yaki rayeʔatikaití xemieme xemininíki.

Kitá kanihikitini muuwa ya temitetei. ʔAyumieme ʔaixi katiniuyeʔanémiki. Mériki tsi
meyutemamawieti kiekátaari metenitekuni. Tsiere memitexuawení meteyukeweti
kwiniya mewiwíéti pepikatipitiaka.